



# ENVIRONMENTAL IMPACT STATEMENT

## F-15 BEDDOWN AND INFRASTRUCTURE UPGRADES AT ANDERSEN AIR FORCE BASE, GUAM

# SINANGAN I INAFEKTA URIYAN I TANO' YAN I TASI (EIS)

## TIEMPON PARA MA RIBISA NU I PUPBLIKU

### Introduksion


Ma establisa i Akton i National Environmental Policy (NEPA) para u atende i chinathasso siha put i aksion i federat ya taimanu para u inafekta i uriyan i tano' yan i tasi. I Sinangan i Inafekta Uriyan i Tano' yan i Tasi (EIS) etmas kabales na inestudia para u sedi i areklamenton i NEPA. I Dipattamenton i Air Force (DAF) fuma'tinas i Draft EIS para i pinelon i F-15 na batkonaire yan i adilanton sistema siha giya Andersen AFB, ya ma pupblika i Notisia na Siña ma Ribisa (NOA) para i Draft EIS, sigun i NEPA. I U.S. Navy man ayuyuda lakkue' gi EIS. I Ma Proponi na Aksion ni ma diskuti gi Draft EIS sumasaonao i pinelo yan supotten mision para dosse' na batkonairen F-15 iyon i Republikan Singapore na Air Force (RSAF), yan i hinatsan i adilanton sistema siha gi fi'on i Notte na Ramp yan i Sagan Gumo'ten Bala Numiru 1 (MSA-1) (Figuran 1). I Uttimo na EIS yan i Record Disision ni Ma Proponi na Aksion ma ekspepekta gi talo' 2025 na aflu.

### Infotmasion put i Project

I plānun i DAF yan i Dipattamenton Defensa (DoD) siha gi Indonesia-Pasifiku na lugat sesso matulailaika depende gi kleman 'geopolitical.' I ma proponi na pinelon F-15 na batkonairen i RSAF yan i adilanton sistema siha giya Andersen AFB para umaya yan este na plānu siha gi Indonesia-Pasifiku na lugat para ma na'nuebu yan na'mas metgot i DoD, ma na'mas maolek i nina'siña para mu maneha yan mantieni trastes, yan para u na'siña i DAF yan DoD mu mantieni i kapas-niha para defenza gi lugat, sigun i responsabilidad i DAF ni nisisariu gi areklamenton Title 10 U.S. Code 8062 para na'siguru na man listo.

### Hāfa i Tiempon Para Ma Ribisa i Draft EIS nu i Pupbliku?

I Tiempon Para Ma Ribisa i Draft EIS nu i Pupbliku ma cho'cho'gue' para u ma nā'i i pupbliku oppotunidat para ma ribisa yan entrega sinangan-niha put i Draft EIS, sigun i NEPA. I Draft EIS guaha infotmasion put i aksion ni ma propoponi, ya ha presenta i inafefekta siha ni siña humuyong ginen i Ma Proponi na Aksion yan i pumalu siha na aksion siña ma cho'gue. Gi duranten i tiempon para ma ribisa nu i pupbliku, i DAF man gāgāgao sinangan aplikao siha ginen i pupbliku para i asunto siha ni ma diskuti gi Draft EIS para ma konsidera gi Uttimo na EIS. Fan'atan i plānun tiempo gi santatten este na dokumentu para mas infotmasion put taimanu ma cho'gue i EIS.



Figuran 1: I Lugat Siha ni Ma Ayek para i Adilanton Sistema Siha giya Andersen AFB

[www.AAFBInfraAndF15EIS.com](http://www.AAFBInfraAndF15EIS.com)

Para na'siguru na nahong tiempo para u ma konsidera i DAF nu i sinangan i pupbliku, fan entrega i tinige' sinangan siha gi pat antes di i diha 29gi Julio, 2024. Bisita i 'project website' para mas infotmasion.





# ENVIRONMENTAL IMPACT STATEMENT

## F-15 BEDDOWN AND INFRASTRUCTURE UPGRADES AT ANDERSEN AFB, GUAM



### Rason yan Nisisidåt Para i Ma Proponi na Aksion

I rason i Ma Proponi na Aksion para ma nã'i nu i prisisu na sistema siha para ma na'mãs maolek i pusision i U.S. gi luchan na båndan i 'International Date Line.' Otru lokkue' na rason i Ma Proponi na Aksion para u ma po'lu yan ma opera i batkonairen i RSAF giya Andersen AFB para ma supotta i man nisisidåt na 'training' siha.

Nisisãriu i Ma Proponi na Aksion para i adilãnton i nina'siñan i DAF para ma supotta i fuetsan i U.S. yan i mangachong na nasion siha gi Indonesia-Pasifiku na lugåt yan na'mãs metgot i nina'siñan i U.S. para ma oppe' inagang-niha gi este na lugåt yan gi enteru i mundo, ginen i hinatsan i adilãnton sistema siha yan i ma na'meggai na supotten i batkonaire siha, umaya yan i matulailaika na plãnun DAF yan DoD para este na lugåt. I ma na'meggai yan adilãnton i sisteman i plãsan batkonaire yan bãla siha siempre ha na'mãs maolek i taimanu ma cho'chogue i operasion yan kinalamten siha.

### Ma Proponi na Aksion

I Ma Proponi na Aksion sumasaonao i pinelon dosse' na batkonairen F-15 iyon i RSAF yan i hinatsan i adilãnton sistema siha giya Andersen AFB, Guam.

- Pinelon F-15: Pinelon dosse na batkonairen F-15 iyon i RSAF, kontodu i operasion i plãsan batkonaire ginen Andersen AFB yan i umentan mãs na empleao siha para i base siha. Siempre guaha temporãriu na tiempon 'training' yan i man supopotte na batkonaire siha dos biãhi kada ãñu, para kuãttru simãnas kada 'training' para ma supotta i nisisidåt na 'training' siha para i F-15. Tãya nuebu na lugåt gi aire ma gãgãgao gi priniponi yan ti para u ma tulaika taimanu ma u'usa i gai'gaige esta na lugåt gi aire.
- Adilãnton Sistema Siha: Hinatsan i adilãnton sistema siha gi durãnten 3 esta 7 ãños gi Notte na Ramp yan i Sagan Gumo'ten Bãla Numiru 1 (MSA-1) na lugåt i 'project' siha (Figuran 2 yan 3). Ha nã'i siempre mãs na lugåt para ma na'sãga, ma go'te, ma mantieni, ma 'refuel,' ma 'load,' yan ma 'unload' i batkonaire siha gi plãsan batkonaire, kontodu para ma go'ten bãla siha. Siña ma supotta i pinelon i F-15 yan otru siha na batkonairen DAF, I pumalu na setbisiun militåt siha, yan i mangachong na nasion siha ni ma opepera ginen Andersen AFB pã'go pat mo'na gi tiempo. I aktibidåt hinatsa siempre ha afekta 192 na 'acres' gi Notte na Ramp yan 17 na 'acres' gi MSA-1.




Figure 2: Proposed North Ramp Infrastructure Upgrades



Figure 3: Proposed MSA-1 Infrastructure Upgrades

[www.AAFBInfraAndF15EIS.com](http://www.AAFBInfraAndF15EIS.com)

Para na'siguru na nahong tiempo para u ma konsidera i DAF nu i sinangan i publiku, fan entrega i tinige' sinangån siha gi pat ãntes di i diha 29 gi Julio, 2024. Bisita i 'project website' para mãs infotmasion.



# ENVIRONMENTAL IMPACT STATEMENT

## F-15 BEDDOWN AND INFRASTRUCTURE UPGRADES AT ANDERSEN AFB, GUAM



### Alternatives

I DAF ha ribisa i nisisidât na nina'siñan prisisu gi Indonesia-Pasifiku na lugât ya ma desaprueba singko na otru lugât ma konsidera gi halom i lugât responsabilidât i Pasifiku na Air Forces (Iwo To/Iwo Jima, Japan; Saipan, CNMI; Diego Garcia, British Indian Ocean Territory; Wake Island, U.S.; Hawai'i, U.S.). Gi anai ma identifika Andersen AFB para mâs prisisu na nina'siña siha, i DAF ma konsidera otru na lugât siha giya Andersen AFB para i adilânton sistema siha; lao ma sodda' na eyu ha' na lugât siha ni ma na'saonao gi Ma Proponi na Aksion siña ma na'satisfecho i nisisidât i adilânton sistema siha. I Draft EIS ha presenta lokkue' otru na chine'gue siña ma cho'gue i Tâya Aksion, ya guiya este i ma kontinunuha na aksion siha pâ'go giya Andersen AFB, ya ti ma cho'gue siempre i Pinelon F-15 yan adilânton sistema gi este na chine'gue.

### Environmental Impact Analysis

Ha komprende i DAF na siña i pinelon F-15 yan adilânton sistema ma afekta i uriyan i tano' yan i tasi kontodu i uriyan taotao. I Draft EIS umestutudia yan prumesesenta i siña humoyong na inafektan i uriyan tâno' yan tâsi ginen i Ma Proponi na Aksion yan i Tâya Aksion na chine'gue. Ma kondukta i DAF finaisen para guinahan kuttura yan naturât gi lugât siha ni ma propoponi para i adilânto siha, ya man akonseseha yan i kombieni na agencies para ma detetmina kao siempre man inafefekta ni atdedet i guinaha siha yan i aksion siña ma cho'gue para u ma ribâha i inafekta siha. Annok gi Figuran 4 un ehemplon i lugât gi halom i project i Notte na Ramp. I Uttimo na EIS yan un disision gi Ma Proponi na Aksion ma ekspepekta gi tinaftaf pat gi talo' 2025 na âñu.

Estague' i asunto siha ni guinahan i uriyan tâno' yan tâsi na ma ribisa gi Draft EIS:



Figuran 4: Hâlom Tâno' kon Âfok yan Trongkon Natibu gi Halom i Notte Ramp na Lugât

### BIOLOGICAL RESOURCES

- I ma espânta na klâsen gâ'ga'
- Prisisu na lugât guihan
- Gâ'ga' yan tinanom
- Sesonyan

### GUINAHAN KUTTURA

- Guinahan 'archaeological' (antigu yan gi historia)
- Gi historia na guinahan 'architectural'

### GUINAHAN HÂNOM

- Kuâlidât hânom (hânom hilo' tâno' yan pâkyo)
- Bo'bo'

### SOCIAL RESOURCES

- Aprobechan tâno, kontodu manehan kânton tâsi
- Asuntan sosiât yan ekonomia
- Hustisian i uriyan tâno' yan tâsi
- Brinabun taotao yan seguridât
- Dibetsion

### SISTEMA SIHA

- Sistemian elektrisidât yan hânom
- Transpottasion, maneran ma udai
- Peligro na matiriât yan basula

### OTRU NA KONSIDERÂSION SIHA

- Man estudian i tano' yan odda'
- Buruka
- Kuâlidât aire
- Enteru i inafekta siha

[www.AAFBInfraAndF15EIS.com](http://www.AAFBInfraAndF15EIS.com)

Para na'siguru na nahong tiempo para u ma konsidera i DAF nu i sinangan i publiku, fan entrega i tinige' sinangân siha gi pat ântes di i diha 29 gi Julio, 2024. Bisita i 'project website' para mâs infotmasion.



## Taimanu ma Ribisa i Draft EIS

Siña ma download i Draft EIS gi 'project website' giya: [www.AAFBInfraAndF15EIS.com](http://www.AAFBInfraAndF15EIS.com) yan siña lokkue' ma ribisa gi este siha na lugât ni ma pega dukumento siha:

Location	Address
Nieves M. Flores Memorial Library	254 Martyr Street, Hagåtña, GU 96910
University of Guam Robert F. Kennedy Memorial Library	Government Documents Tan Siu Lin Building, UOG Station, 303 University Drive, Mangilao, GU 96923

Siña man gâgao i ma imprenta na matiriât sigun i maneran sinangan guini pâpa'. Konsidera put fabot i uriyan i tano' yan i tasi ântes di un gâgao i ma imprenta na matiriât.

## Na'saonao Hao ya Entrega i Sinangân-mu Siha

I DAF mangombibida i man interesao na taotao siha para u ma entrega sinangan-niha put i Draft EIS, bisita i 'online open house' para u ma tungo' mäs put i 'project,' yan na'saonao siha gi miteng pupbliku siha. Ma aksesepta i sinangan, rekomendasion, yan infotmasion aplikao put i pinelon F-15 yan i adilânton sistema siha na Draft EIS. Ma aksesepta lokkue' ni DAF sinangan siha sigun i Section 106 gi Akton National Historic Preservation (36 Code of Federal Regulations Part 800). Fan entrega i sinangan siha gi fino' Engles sigun este siha na manera:



### MITENG PUBLIKU SIHA:

Sângan pat tuge' i sinangân-mu siha para i record gi miteng pupbliku. Guaha 'Open House' na miteng i pupbliku siha gi:

- **Metkoles, diha 17 gi Julio, 2024, desde 5:00 g.t. esta 8:00 g.p. giya i Dededo Senior Center, Dededo, Guam**
- **Huebes, diha 18 gi Julio, 2024, desde 5:30 g.t. esta 8:00 g.p. giya i Yigo Senior Center, Yigo, Guam**



### KATTAN POSTAL:

Tuge' kâtta pat 'download' i form para tinige' sinangan yan na'hânao para:

HQ AFCEC/CIE  
Attn: Mr. David Martin  
Bldg. 171, 2261 Hughes Ave., Ste. 155  
JBSA Lackland AFB, TX 78236-9853  
(U.S. POSTAL SERVICES DELIVERY)



### PROJECT WEBSITE:

Bisita i "Comment" tab gi project website giya:  
[www.AAFBInfraAndF15EIS.com](http://www.AAFBInfraAndF15EIS.com)



### EMAIL:

Na'hânao email para i taotao i project gi:  
[afcec.aafb.infrasandf-15eis@us.af.mil](mailto:afcec.aafb.infrasandf-15eis@us.af.mil)  
**ATTN: AAFB F-15 and Infrastructure EIS**

I tinige' sinangan ni ma risibi gi durânten i Tiempon Para Ma Ribisa i Draft EIS nu i Pupbliku siempre ma konsidera giyun ma prepâpâra i Uttimo na EIS; ma oppe' siempre i aplikao na sinangan gi Uttimo na EIS.

## EIS Timeline



[www.AAFBInfraAndF15EIS.com](http://www.AAFBInfraAndF15EIS.com)

Para na'siguru na nahong tiempo para u ma konsidera i DAF nu i sinangan i pupbliku, fan entrega i tinige' sinangân siha gi pat ântes di i diha **29 gi Julio, 2024**. Bisita i 'project website' para mäs infotmasion.